



UDada noJuba

Nwabisa Dumela

Tebogo Boikanyo Matshana





“Tswi! Tswi! Tswi!”

“Kwa! Kwa! Kwa!”

“Kwek! Kwek! Kwek!”

UDada noJuba bahlangana esizibeni phambi komfula njengokuvamile. Babengabangani abakhulu.



Lalishisa kakhulu ilanga.

UDada wagxuma waziphosa emanzini. UJuba wacabanga, “Kubukeka kumnandi ukubhukuda.”

Emuva kokufaka ikhanda lakhe emanzini, uDada wathi, “Uyathanda ukubhukuda? Gibela emhlane wami, ngizokufundisa.”



Wavuma uDada. Njalo uma uDada ezama ukufaka ikhanda ngaphansi kwamanzi, uJuba wayendiza aye phezulu.

UJuba wacabanga edumele, "Angisoze ngikwazi ukubhukuda njengoDada."

UJuba wagcina esemshiye yedwa uDada emanzini.



“Yini inkinga manje Juba? Uyangiphoxa.
Ungangishiya kanjani ngedwa emanzini?”
kukhalaza uDada.

UJuba waphendula wathi, “Ngesaba ukuminza.”

“Bengicabanga ukuthi ufuna ukufunda
ukubhukuda njengami,” kusho uDada.



“Tswi! Tswi! Tswi! Dada, kungcono ngifundise wena ukundiza. Ukubhukuda kunzima!”

UJuba wagibela phezu kwetshe elikhulu. UDada walandela.

Kusenjalo, uJuba wase egibele esihlahleni eside. UDada wayengakwazi ukulandela.



UDada wadumala. Ngokuthukuthela
wacabanga, “ujuba akangicabangeli.

Ngiyidada mina, angilona ijuba. Ngijwayele
ukubhukuda hhayi ukundiza.”

Ujuba wayefuna ukududuza umngani wakhe.



Bahlala phansi etsheni bethule.

Ekugcineni, uJuba wathi, "Mngani wami,
namhlanje ngifundile ukuthi ngeke ngikwazi
ukubhukuda njengawe.

Nawe futhi ngeke ukwazi ukundiza njengami.
Mina ngiyandiza, wena uyabhukuda."

Bamukelana ngokufudumala.



"Singamadada, uma sibhukuda sifaka amakhanda ethu ngaphansi kwamanzi sithi, 'Kwaa kwaa kwaa gxadada! Kwaa kwa kwa gxadada!'"

"Siyizinyoni, uma sindiza sishaya amaphiko ethu sithi, 'Tsiyo, tsiyo, tsiyo!'"



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).

**basic education**Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: UDada noJuba

Author/s: Nwabisa Dumela

Translator/s: Zanele Ndlovu

Illustrator/s: Tebogo Boikanyo Matshana

Assurer/s: Zanele Zuma

Language: isiZulu



© Zenex Foundation - Saide 2025 (Updated Edition)

CC BY includes the following elements:

BY – Credit must be given to the creator

